

T2720.7/6623 (1)

CHINESE - JAPANESE LIBRARY OF
HARVARD - YENCHING INSTITUTE

AT HARVARD UNIVERSITY

NOV 30 1940

CM 0 1 2 3 4 5 6 7 8 9 10 11 12 13 14 15 16 17

Lab D50 2° 95/0/2

81/0/0

66/0/0

51/0/1

35/0/0

20/0/0

29/19/-54

55/-39/33

42/57/29

82/4/79

51/50/-13

50/-28/-29

38/14/16

66/16/18

50/-5/-22

43/-14/21

55/-9/-25

71/-32/0

62/34/60


40/9/-43

52/48/17

31/21/-21

72/-23/57

73/19/68



明朝小史目次

一卷 洪武紀

土地移廟

紅羅幃

薛家窪

瑞木

鏟頭會

世德碑

神葬

歲祀舟檣

關帝籤原本

土上一畫

驛兒奇對

營國公

烏龍潭

蛇附堯

建祠康郎山

蕭王助陣

友諒遺腹

諭偽周榜文

中原傳檄

洪武卽位詔

國初官名

金陵城

門帖福字

肉有腐痕

山河已定

蘇民忠厚

封城隍制

饅頭給衛士

弊梳爲質

土地供地

大赦天下詔

老頭兒

廢寺偈

舊內之門

御膳防微

纍然滿身

常遇春祭文

以金陵大梁爲南北京

設科取士式

髑髏爲基

赤白船

馬后負逃圖

配享卞壺

宜興城隍

字式腰斬

封元後詔

善哉善哉

佯爲病顛

民字形

鐫字懸冠

祭雲

課業簿

不父之戒

試官

江淮府

庶吉士分置

五字金牌

功臣三遇春

鄉里子孫美談

秀才頑

漿粉錢

造罪被刑圖

移民耕種

黑氣滿室

卒于姑蘇獄

國初重刑

大功坊

預題一詩

改北平府

魚鱗冊

官民服飾

叅究曆法

罰俸

三等府

三等縣

韓陶一理

無雙第一

百歲衣

中書省

壁帖

巡撫之名

七月生

欽字

四六式

二十六子

改封

一黍寫十字

饒州二歌

長興

硃牌鏤八字

鐫過于券

棄妻逃回

觀音保

劉林臺

步行十三

響馬周

命染髮鬚

親暴烈日

中立府

隙地種蔬

半路修行僊

反朱

溫涼藥石

淮海府

二十字定名

賜朝鮮秀才詩

郤祖朱文公

欲易太子

辟薦科目

釘綴白絲

聖旨恩榮

兵部門無署榜

溫樹

漢蜀二王

踰于丹青

以意解字

村鼓勸農

勸高皇卽位表

蒼虬出壑

臂折猶指

往宣佛教

二卷 洪武紀

櫻三舍人

鎖住

永隆雨

中山王大門

樣房

禦中軍

吾家舊隣里

出榜原籍

常春府

天興建康翼

明白先生

一時二守

製文相警

馬如來

號房無門限

六妓館

擊壤額署

埋晷臺下

辨尚書註誤

寶璽數

掩骸

祭帝王于各地

築城役

不服藥先見

書詩屏間

因定海改寧波

王保保來耶

朝服雨衣

正禮儀風俗詔

高麗人登第

親作衣鞋

鐵冊軍

袒胸受箭

綱巾

癡兒子

水陸齋表文

皮場廟

考績三筆

大本堂記

整容匠

玉橋

御製平西蜀文

遮陰帽

士不樂仕

誅戮官員

要斫蟾宮第一枝

翰林院橫列

鼎石

致仕敘坐

衣食寓諫

別號坐罪

嘉瓜張氏

失期棄市

正定神號

開科授官

春夏榜

諸王宮城制

魏國公鐵券

曹國公鐵券

衛國公鐵券

中山侯鐵券

韓國公鐵券

宋國公鐵券

六安侯鐵券

長興侯鐵券

江陰侯鐵券

潁川侯鐵券

宣寧侯鐵券

延安侯鐵券

吉安侯鐵券

江夏侯鐵券

淮安侯鐵券

濟寧侯鐵券

臨江侯鐵券

平涼侯鐵券

南雄侯鐵券

營陽侯鐵券

豫章侯鐵券

永嘉侯鐵券

東勝侯鐵券

安慶侯

鳳翔侯

埋羹太守

文樓時語

蝶怪

衆字象

沈萬三資產緣由

繼父乃讐家

拍案誦詩

親書誥諭

太學無蛛網

羣字

數目改用

有福孩兒

寶誌冢碑

三卷 建文紀

半邊月兒

祖孫繼體

蛟龍不敢吞

雨打羊毛

朝天女戶

八字

布其過于天下

更定官制

燕王書稿

削燕屬籍詔

託孤題

機密奏

凝命神寶

留汝口

詔勤王

莫逐燕歌

楊應能度牒

處士上書

羅永菴遺筆

報父讐書

絕命詞

四卷 永樂紀

移檄

黃瓦兆

鵝鴨鳴噪

天靈盃

袍起龍紋

城隍救駕

清宮

猪腩環腰

箭頭射書

入金川門詔

卽位詔

爵賞功臣制

敕諭文武羣臣詔

謚年名同

佯狂

神木山

酒量狀元

大寶法王

小帽襖徹從觀

捷給偶幸

韓長

觀音課

我朝義之

挨宿

供用庫

玄石坡

捷勝崗

瓜蔓抄

孤猿夜泣

漏澤園

闔門生瘞

泉字

王姑庵

內訓勸善書

恩張

二女詩

設棋局于院中

二十皮鞭

大叅之章

孝友堂

王不出頭誰是主

撒扇

火燉石碑

五卷

洪熙紀

文華寶鑑

敬亭

書不啓封

手增二語

姓名履歷揭西序諭

金錢撒地

益齋被臨

觀奕和詩

弘文館

御劄

狀元天子

手製湯餅

疑飲

贊善先生

憂民吟

六卷

宣德紀

東苑命對

言龍

豪右被沒

給柴薪

駿馬易蟲

致齋所

膚肌燥裂

持正不阿

懼內戲

天裂

銅缸燔歿

靜慈僊師

鐵笛

鈔關

送黃淮詩

鋤禾詩

招隱詩

翰林院銘

兩朝恩賜

軍餘

撒扇詩

旃席囊頭

李神仙

就宴奇賜

條旨

入門立月中

七卷 正統紀

小兒謠

豈敢有鬚

叟字

無處不三陽

萬年春

目青

減場

灰舉人俱賜進士

狗情榜詩

奪門功次

髮異

瑞頰

石羊鳴

輸穀旌義

真命天子

齷齪鬚子

鎖定侯

籍名刺為一帙

走解

提學

宦官先生

鬚子爺爺

不類所聞

僅二竹丁

可惜此老

陰陽神靈

滿腹經綸

金氣沓應

儒釋道三及第

馱官人

試文不以完篇

一目失明

六善閣老

驟風飄本

八卷

景泰紀

子孫賢句

三及第面色

譏修史詩

指作十字

樓橋大驚

銀豆謠

離流中式

兩中舉人

金錢恩典

帛擲

九卷

成化紀

皇莊

清官店

風變

青怪

擣蒜燒葱

朱筠紫氈

獅子

文正贈詩

吞皂莢丸

代府變異

倭詩

十害金

截江網

兩字尚書

東朝選妃不及

龍騰霄

阿丑諷諧

紙糊泥塑

萬歲閣老

肋痛產子

山走

十卷 弘治紀

居安樂室

四種書日課

馬異

歷代傳國璽

辨析陳字

毓秀亭

女生髭

紀異

黃袍乘龍

石中有水

啖瓜出言

兩人不可執按

弄兒

雨石

印熱

散裝

若無譁

十一卷 正德紀

猪與朱同

勉起堂

雪中春信

杖責之始

大慶法王

冰漸花開

家裏

劉娘娘

取石

奇才天珍

天垂攻城象

頂上

天子門高

下筋

鷓鴣啼

賊有義氣

八虎

京師謠

時賜

用宋事相譏

外四家

自稱官銜

河水僵立

宣府微行

僧頭相觸

官食

雨菓

水帝

十二卷

嘉靖紀

翼軫分野

名馬

階資隆懋

建醮蔬費

籤部

罪不在桀下

御賜四學士詩

四學士恭和詩

聽講感賦

三學士恭和

傳示贊和

除夕詩

學士恭和

此物

嘗尿官

奇祥三錫

有關父母

天地靈閔

不當與爺爺經目

物怪人妖

皇初祖帝

遼金二史

宗伯領三孤

親試題

楊員外臨決詩

文武管家

十三卷
隆慶記

男變女

暢意

羊房

龍化為酒

提點印

十四卷 萬曆紀

三字經

黃金對聯

殿懸十二字

千里馬

特與一席

百官設醮

飛騎取火麟

四箴

雁糞

玄兔圖

代身金人範

御史禁

清冒籍

讀音寘後

會元遣戍

龍箋

禹齋

神口出火

十五卷 泰昌紀

三字治安策

祖宗朝謚考

十六卷 天啓紀

宗室開科

鼠怪

祠宇對聯

中旨

明朝小史

目之十七

二印

雪憤報怨書

九千九百

二十四罪疏

十七卷 崇禎紀

信天子

能作時藝

梅藍

雨黃泥丸

建坊嘉獎

各府州錢糧

諸番國風土

誠意秘記

紅閣

血詔

十八卷 弘光紀

龍江浮木

馬蹄金

南中復書

南都公檄

追發大痛疏

明朝小史目次終

明朝小史

明朝小史一卷

蘆城赤隱呂

恣輯著

哈佛大學漢和
圖書館珍藏印

洪武紀

土地移廟

帝生于盱眙縣靈跡鄉土地廟。生時夜有神光燭天。
明日廟忽移置東路百餘家。今其地方丈許不生
草。

紅羅幃

帝生。取河水澡浴。忽有紅羅浮來。遂取衣之。所居遂號紅羅幃。

薛家窪

帝初渡江。至采石。駐薛姬家。飢甚。坐穀礮架上。問姬此何物。對曰礮床。烹鷓鴣爲食。問曰何物。對曰鑊。鷄飯。以大麥曰仁飯。帝聞之默喜。蓋登基龍床。人犯皆吉語也。迨天下已定。召姬賞之。人傳其事爲美談。而薛家窪之名遂著。

瑞木

帝卽位之年。江西臨川縣獻瑞木一本。木中隱有文曰。天下平。質白而文玄。當有文處。木理隨畫順成焉。

鏟頭會

帝旣得天下。惡勝國頑民竄入緇流。乃聚數十人掘一泥潭。埋其身于泥中。特露其頂。用大斧削之。一削去頭數顆。名曰鏟頭會。

世德碑

太祖自叙朱氏世德之碑。其文曰。本宗朱氏。出自金陵之句容。地名朱巷。在通德鄉。上世以來。服勤農桑。五世祖仲八公。娶陳氏。生男三人。長六二公。次十二公。其季百六公。是爲高祖考。娶胡氏。生二子。長四五公。次卽曾祖考四九公。娶侯氏。生子曰初一公。初二公。初三公。初五公。初十公。凡四人。初一公配王氏。是爲祖考妣。有子二人。長五一公。次卽先考。諱

世珍。元初籍淘金戶。金非土產。市于他方。先祖初一公困于役。遂棄田廬。携二子遷泗州盱眙縣。先伯考五一公十有二歲。先考纔八歲。先祖營家泗州。置田治產。及卒。家日消。由是五一公遷濠州鍾離縣。其後因至鍾離居。先伯考性淳良。務本積德。與人無疾言忤意。鄉里稱善人。先伯娶劉氏。生子四人。重一公。重二公。重三公。生盱眙。重五公。生鍾離。先考君娶徐氏。泗州人。長重四公。生盱眙。次重

六公重七公生五河。某其季也。生遷鍾離。後戊辰年。先伯考有孫六人。兵興以來。相繼寢沒。先兄重四公有子曰文正。今爲大都督。重六重七俱絕嗣。曩者父母因某自幼多疾。捨入皇覺寺中。甲申父母長兄俱喪。次兄守業。又次兄出贅劉氏。某托跡緇流。至正二十四年。天下大亂。諸兄皆亾。淮兵大起。掠入行伍。乃招集義旅。兵力漸衆。因取滁和。龍鳳三年。帥師渡江。駐兵太平。爲念先考君嘗言世

爲朱巷人。宗族俱有。平日每有鄉土之念。卽訪朱故鄉宗族之所。遂調兵取句容。明年克金陵。而朱巷距城四十里。舉族父兄昆弟四十餘人至。始得與之敘長幼之禮。行親睦之道。但朱氏世次。自仲八公之上。不可復考。今自仲八公高曾而下。皆起江左。歷世墓在朱巷。惟先祖葬泗州。先考葬鍾離。此我朱氏之源流也。爰自金陵太平。駐節開府。爲基本之地。實鄉郡焉。屢歲征伐。拓境吳楚。甌越方

數千里。由是累膺顯爵。乃龍鳳九年三月十四日
內降制書。曾祖考爲資德大夫江南等處行中書
省右丞上護軍司空吳國公。曾祖妣吳氏吳國夫
人。先祖考爲資德大夫江南等處行中書省平章
政事上柱國司徒吳國公。祖妣王氏吳國夫人。先
府君開府儀同三司錄軍國重事平章右丞相吳
國公。先妣陳氏吳國夫人。以閏月十三日祇謁先
壟。焚黃告祭。遵舊典也。重念報本禮行宜厚。今勉

建功。匪由已能。實荷先世靈長之澤。垂衍後昆。宜
得報恩三代。並爲上公。以遂爲子孫者之至願。書
曰。作善降之百祥。易曰。積善之家。必有餘慶。先祖
父積功累善。天之報施。茂于厥後。凡我子孫。皆當
體祖宗之心。蹈德存仁。以永其緒于無窮。是我之
所望也。于是備書于後。以傳信將來。俾有所考焉。

神葬

淳皇帝及后疾疫死。仲四公繼之。貧薄不能具棺。太

祖與仲謀草葬山谷。行未抵所而纒絕。忽風雨雷電交作。太祖避樹下。聞空中神語曰。孰襲取吾土。彷彿有應者。具淳皇帝諱。神曰。爲若人則已。已而暴風揚沙折木。天轉晦。比明往視之。土裂屍已陷。田伯劉大秀遂歸其地而棄責。今鳳陽皇陵卽其地也。

歲祀舟檣

太祖初渡江。御舟瀕危。得一檣以免。卽令樹此檣于舟中而祭之。遂爲常制。建廟在京城清涼門外。有司歲修祀。給一兵世守之。居舟傍。免其餘役。云卽當時擦舟兵之後也。

關帝籤原本

太祖龍潛時。欲起義兵。乃禱諸石。固神曰。元德旣衰。九土鼎沸。生民之塗炭極矣。吾欲倡義以拯衆。與之否乎。得訣云。世間萬物各有主。一粒一毫君莫取。英雄豪傑自天生。也須步步循規矩。太祖怒其

不許也。遂取其訣本付與關雲長掌之。至今關帝籤談皆石固神原本也。石固神卽江東王。

○土上一畫

太祖自和州渡江取太平路。遇一術士。問曰。天下擾擾紛紛。屬之誰與。士曰。願書字占之。上卽掣刀畫一字于地。士俯伏拜曰。土上一畫。臣獨知爲王也。

○驛兒奇對

太祖取集慶路。大戰三月。而元兵解去。夏五月。堅守

江在。見驛中有七歲兒。問之。對曰。臣故父當此役。今代父耳。上曰。善對乎。對曰。然。上曰。七歲兒童當馬驛兒。卽對云。萬年天子坐龍廷。太祖大喜。乃調其役。

○營國公

高皇龍潛時。過臨淮郭山甫。山甫驚異。急具饌與交歡。酒酣。跪前。備陳天表之異。他日貴不可言。幸無相忘。上去。山甫語諸子曰。吾視若曹皆非田舍郎。

往往可封侯。今始知皆以此公。宜謹事之。復以女入侍。從渡江。協孝慈。以肇家。孝慈崩。嘗攝六宮事。號皇寧妃。追封山甫營國公。

○烏龍潭

高皇居草野時。漁于川。一日獲鯉三十五。寘之一笱。笱有陳四者來共語。又戲以罾罾高皇。既而上持魚還舍。啓笱。笱已失其五。知陳竊矣。往問之。陳諱匿。上欲毆之。陳笑出以還。及上卽位。一日問劉誠

意。吾享位幾何年。劉曰。聖壽無疆。朕以數言。當三十五。其間五歲。假者。上忽思竊魚事。以其數符也。立召陳至。欲殺之。上問若頗憶與吾周旋否。陳對曰。臣何敢忘。因述漁事。上曰。吾忘之爲何地。對曰。烏龍潭也。上曰。吾鄉不聞有此。陳曰。臣嘗于此置烏龍。故云爾。上見其對。頗謂稱旨。因曰。汝欲爲官乎。陳叩頭謝。上曰。可爲戶部江西司郎中。迨後洪武之紀。果符其數。

○蛇附兜鍪

太祖在滁。嘗濯手于栢子潭。有五蛇擾而就之。因祝之曰。如天命在予。汝其永附焉。一日戰畢。群坐藉土。蛇忽蜿蜒其側。帝乃掩以兜鍪。頃復報戰。亟戴兜鍪而往。是日手刃甚衆。軍法戰勝必祭甲冑。衆推帝與功多。乃置其兜鍪于前。甫奠。忽霹靂大震。白龍天矯。自兜鍪出。挾雷聲。握火光。驥空而去。諸將自是畏服。

○建祠康郎山

太祖征陳友諒于鄱陽湖。被圍甚急。介士韓成請服龍袍冠冕。誑賊投水死。圍果解。及友諒平。上念成忠。賜封高陽郡侯。建祠于康郎山。有司歲時祭祀。

○蕭王助陣

太祖率三萬騎戰于鄱陽湖。敵人咸見空中數萬甲兵。衣絳以輔戰。幟上大書蕭王二字。隨大敗之。蕭王意卽漢鄼侯也。

友諒遺腹

帝克陳友諒，俘其妻孥，曰：我自起兵以來，未嘗納人子女。今友諒三犯我金陵，四犯我太平，我甚恨之。其妻閻氏可沒入掖庭，未幾生子，實友諒遺腹也。封潭王，國于長沙。將之國，閻氏語之曰：爾乃漢王陳友諒子，汝父被殺，吾爲汝忍死于此。他日當爲父復此仇也。故事，諸王來朝者，皆止于宮中。潭王來覲，入止宮，不以禮自檢，歸國發兵反。高皇遣太

傅徐達之子討之。潭王堅閉城門，抱其幼兒繞城上行，取銅牌書其上云：寧見閻王，不見賊王。因擲于城外，遂舉火闔宮，盡焚。携其子投隍，墜而死。高皇大怒，因假妖星亂宮爲辭，盡戮宮人。皇后脫簪珥待罪，僅免餘悉殲除焉。

諭僞周榜文

高帝平僞周張士誠，先有謗諭曰：皇帝聖旨，吳王令旨，總兵官准中書省咨，敬奉令旨，予聞伐罪救民。

王者之師。考之往古。世代昭然。軒轅氏誅蚩尤。殷湯征葛伯。文王伐崇侯。三聖人之起兵也。非富天下。本爲救民。近觀有元之末。主居深宮。臣操威福。官以賄求。罪以情免。臺憲舉親而劾仇。有司差貧而優富。廟堂不以爲慮。方添冗官。又改鈔法。役數十萬民。湮塞黃河。死者枕籍于道。哀苦聲聞于天。不幸小民。誤中妖術。不解其言之妄誕。酷信彌勒之真。有與其治世以蘇困苦。聚爲燒香之黨。根據

汝穎。蔓延河洛。妖言旣行。凶謀逆逞。焚燒城郭。殺戮士夫。荼毒生靈。無端萬狀。元以天下兵馬錢糧。大勢而討之。略無功效。愈見猖獗。狀事終不能濟。世安民。是以有志之士。傍觀熟慮。乘勢而起。或假元氏爲名。或托義軍爲號。或以孤兵自立。皆欲自爲。由是天下土崩瓦解。予本濠梁之民。初列行伍。漸至提兵。灼見妖言不能成事。又度胡運難與立功。遂引兵渡江。賴天地祖宗之靈。及將相之力。一

鼓而有江左再戰而定浙東。陳氏稱號。據我上游。爰興問罪之師。彭蠡交兵。元惡授首。父子兄弟。面縛輿襯。旣待以不死。又封以列爵。將相皆置于朝。班民庶各安于田里。荆襄湖廣。盡入版圖。雖德化未及。而政令頗修。惟茲始蘇張士誠。爲民則私販鹽貨。行劫于江湖。兵興則首聚兇徒。負固于海島。其罪一也。又恐海隅一區。難抗天下金勢。詐降于元。坑其參政趙璉。囚其侍制孫搗。二也。厥後掩襲

浙西。兵不滿萬數。地不足千里。僭號改元。三也。初寇我邊。一戰生擒其親弟。再犯浙省。楊苗直搗其近郊。首尾畏縮。又詐降于元。四也。陽受元朝之名。陰行假王之令。挾制達丞相。謀害楊左丞。五也。占據江浙錢糧十年不貢。六也。知元綱已墜。公然害其丞相。失帖木兒。南臺大夫。普化帖木兒。七也。恃其地險。食足。誘我叛將。掠我邊民。八也。凡此八罪。又甚于蚩尤。葛伯。崇侯。雖黃帝湯文與之同世。亦

所不容。理宜征討。以靖天下。以濟斯民。爰命中書左相國徐達總率馬步舟師。分道並進。攻取浙西諸據城池。已行戒飭軍將。征討所到。殲厥渠魁。脅從罔治。備有條章。凡有逋逃臣民。被陷軍士。悔悟來歸。咸宥其罪。其爾張氏。果能明識天時。或全城歸附。或棄職投降。名爵賞賜。予所不吝。凡爾百姓。果能安業不動。卽我良民。舊有田產房舍。仍前爲主。依額納糧。以供軍儲。餘無科取。使汝等永保鄉里。以全室家。此興師之故也。敢有千百相聚。旅拒王師者。卽當移兵勦滅。遷徙宗族于五溪兩廣。永離鄉土。以禦邊戎。凡予之言。信如皎日。咨爾臣庶。毋或自疑。欽此。除已遵外。咨請施行。准此。合行備出榜文。曉諭。欽依令旨。事意施行。所有文榜。須議出給者。龍鳳十二年五月二十一日。本州判官許仕傑齎到。

中原傳檄

太祖北伐檄曰。自古帝王臨御天下。中國居內以制夷狄。夷狄居外以奉中國。未聞以夷狄治天下者也。自宋祚傾移。元以北狄入主中國。四海內外。罔不臣服。此豈人力實乃天授。然達人志士。尚有冠履倒置之嘆。自是以後。廢壞綱常。至于弟收兄妻。子烝父妾。上下相習。恬不爲怪。其于父子君臣夫婦長幼之倫。瀆亂甚矣。夫人君者斯民之宗主。朝廷者天下之根本。禮義者御世之大防。其所爲如

彼。豈可爲訓于天下後世哉。及其後嗣。沈荒失君。臣之道。又加以宰相專權。憲臺報怨。有司毒虐。于是人心離叛。天下起兵。使我中國之民。死者肝腦塗地。生者骨肉不相保。雖因人事所致。實天厭其德而棄之之時也。古云。胡虜無百年之運。驗之今日。信乎不謬。當此之時。天運循環。中原氣盛。億兆之中。當降生聖人。驅逐胡虜。恢復中華。立綱陳紀。救濟斯民。今一紀于茲。未聞有濟世安民者。徒使

爾等戰戰兢兢。處于朝秦暮楚之地。誠可矜憫。方
今河洛閔陝。雖有數雄。忘中國祖宗之姓。反就胡
虜禽獸之名。以爲美稱。假元號以濟私。恃有衆以
要君。阻兵據險。互相吞噬。反爲生民之巨害。皆非
華夏之主也。予本淮右布衣。因天下亂。爲衆所推
率師渡江。居金陵形勢之地。今十有三年。西抵巴
蜀。東連滄海。南控閩越。湖湘漢沔。兩淮徐邳。皆入
版圖。奄及南方。盡爲我有。稍安食。稍足兵。稍精強。

控弦執矢。目視我中原之民。久無所主。深用疚心。
予恭天成命。罔敢自安。方欲遣兵北逐群虜。拯生
民于塗炭。復漢官之威儀。慮民人未知。反爲我讐。
挈家北走。陷溺尤深。故先諭告。兵至民人勿避。予
號令嚴肅。無秋毫之犯。歸我者永安于中華。背我
者自竄于塞外。蓋我中國之民。天必命中國之人。
以安之矣。夷狄何得而治哉。故茲榜諭。想宜知悉。

○洪武卽位詔

朕惟中國之君。自宋運旣終。天命真人于沙漠。入中國爲天下主。傳及子孫。百有餘年。今命運亦終。海內疆土。豪傑分爭。朕本淮甸庶民。荷上天眷顧。祖宗之靈。遂乘逐鹿之秋。致英賢于左右。凡兩淮兩浙江東江西湖湘漢沔廣山東及西南諸部蠻夷各處寇攘。屢命大將軍與諸將校奮揚威武。皆已戡定。民安田里。今文武大臣百司衆庶。合辭勸進。尊朕爲皇帝。以主黔黎。勉狗輿情。於吳元年正月

月初四日。告祭天地于鍾山之陽。卽皇帝位于南郊。定有天下之號曰大明。以吳元年爲洪武元年。是日恭詣太廟。追尊四代考妣爲皇帝皇后。立大社大稷于京師。以冊寶立妃馬氏爲皇后。長子標爲皇太子。布告天下。咸使聞知。

○國初官名。

國初官名有更制後人鮮知者。漫記一二。曰尚寶大使。曰都諫官。曰知驍騎衛指揮使司事。曰詹事府

贊讀曰儒學提舉司校理曰侍禮郎曰引進使曰翰林院使學士曰翰林院應奉曰起居注曰左右正言天門待詔閤門使觀察使侍儀司通贊舍人如罷中書四輔諫院儀禮司及改御史中丞大夫之屬。

○金陵城

帝築京城用石灰秫粥錮其外時出閱視監掌者以丈尺分治之上任意指一處擊視皆純白色或稍雜泥土卽築築者于垣中故金陵城最固

○門帖福字

帝嘗于上元夜微行京師時俗好爲隱語相猜以爲戲乃畫一婦赤脚懷西瓜衆譁然帝就觀已心喻之曰是謂淮西婦人好大脚也甚啣之遂于是夜着人以福字私帖守分之門明日召軍士大戮其無福字者蓋馬后淮西人故云江南風俗至今除夜猶以福字帖門

○肉有腐痕

帝微時，甚愛于郭子興。郭氏五男，惡焉，乃以事幽之。空室中，絕食漿，馬后竊以餅飼給之。一日炙餅，釜中將修供，爲郭氏親信所窺，遂納懷中。其後肉有腐痕。

○山河已定

帝召畫工周玄素，令畫天下江山圖于殿壁，對曰：臣未嘗遍跡九州，未敢奉詔。惟陛下草建規模，臣狀後潤之。帝卽搦筆，倏成。令玄素加潤，玄素進曰：陛下山河已定，豈可動搖？帝笑而唯之。

○蘇民忠厚

帝微行至三山街，一媪門有木榻，假坐移時。問媪何處人，對曰：蘇人。又問張士誠在蘇州何如，媪曰：方大明皇帝起手時，張王自知非真命天子，全城歸附。蘇人不受兵戈之苦，至今感德。又問其姓而去。翌日語朝臣曰：張士誠于蘇人初無深仁厚德，昨

見一老婦。深感其恩。蓋蘇民忠厚。恐京師百姓千萬無此一婦也。迨洪武二十四年。取富戶入京師。多用蘇人。蓋亦以此。

○封城隍制

國初群神尚仍舊稱。洪武三年詔更之。城隍神亦始有封爵。府爲公。州爲侯。縣爲伯。皆號顯祐。其制詞曰。帝王受天明命。行政教于天下。必有生聖之瑞。受命之符。此天示不言之教。而人見聞所及者也。

神司淑慝。爲天降祥。亦必受天下之命。所謂明有禮樂。幽有鬼神。天理人心。其致一也。朕君四方。雖明智弗類。代天理物之道。實罄于衷。思應天命。此神所鑒。而簡在帝心者。君道之大。惟天與神。有其舉之。承事惟謹。某處城隍。聰明正直。聖不可知。固有超于高城深池之表者。世之崇于神者。則朕神受于天者。蓋不可知也。茲以臨御之初。與天下更始。凡城隍之神。皆新其命。瞻此郡邑。靈祇所司。宜

封曰監察司民城隍顯佑公。顯則威靈丕著。佑則福澤溥施。此固神之德。而亦天之命也。司于我民。鑒于群政。享茲祀典。悠久無疆。王者施行。

饅頭給衛士

功臣廟凡遇祭祀饅頭。撤來必散給衛士。所以寓激勸之意也。

○ 弊梳爲質

代王之母邳人也。先是太祖嘗戰敗而奔投王母家。母曰爾朱某耶。人言爾爲天子也。因留之宿。及旦辭去。王母曰吾後有姪何如。帝乃貽弊梳爲質。王母亦以篋中裝贈行。自是果姪。及太祖卽位。子且長矣。因携子及質謁上。上令工部草設木宇居之。不令入宮。及代府成。遂分封焉。

○ 土地供地

帝微行里市間。遇一國子監生姚文英入酒坊。帝揖而問之曰。先生亦過酒家飯乎。對曰。旅次草草。聊

寄食耳。帝因與之入。時坐客滿案。唯供土地神几尚餘。上移之在地。曰神姑。讓我坐。乃與生對席。問其鄉里。曰四川重慶人也。帝因屬詞曰。千里爲重。重水重山重慶府。生應聲曰。一人是大。大邦大國。大明君。帝又舉其嬰几小木。命生賦詩。生日。寸木元從斧削成。每于低處立功名。他時若得臺端用。要向人間治不平。帝私喜。因探錢債酒家而去。生不知爲帝也。明日忽召生入謁。生茫然自失。既至。

上笑曰。秀才憶昨與天子對席乎。生惶恐謝罪。又曰。爾欲登臺端乎。遂命爲按察使。由是民間盡傳此奇遇。秣陵人家至今供土地神在地。

大赦天下詔

元年八月十一日大赦天下。奉天承運。皇帝詔曰。天生民而立之君。君者奉天而安養斯民者也。昔者元政陵夷。民失安養。群雄蜂起。疆宇瓜分。朕以布衣入戎伍。憤生民塗炭。提旅軍與豪傑同志者。思

所以靖之。賴天之靈。因民之利。干戈所至。強殞弱服。大河之比。以際南海。罔不來臣。重念推戴以來。軍士勞苦。農民罷弊。未有以安之。賢人君子。逃匿巖穴。未有以來之。刑亂重典。未有以平之。供億煩重。未有以紓之。是用陰陽差謬。水旱不時。天災屢見。朕甚懼焉。爰布溥恩。與民更始。可大赦天下。自洪武元年八月十一日昧爽以前。除謀反大逆。謀殺祖父母父母。妻妾殺夫。奴婢殺主。謀故殺人。但

犯強盜蠱毒魘魅不赦外。其餘已發覺未發覺。已結正未結正。罪無輕重。咸赦除之。敢有以赦前事相告訐者。罪以其罪。所有便民事宜。條示于後。

一出征軍官軍人。多有勞苦。其家小仰中書省大都督府厚加存恤。

一新附地面起遣到軍人。少壯者永爲軍士。老疾無子充軍者聽從其便。

一各處起到并陣亡病故軍人寡婦無依倚者。聽

從其便。

一征進逃軍。詔書到日。限一箇月以裏赴官首告。官爲資給軍裝行糧。送赴軍前。其守禦逃役者。亦仰一體首告。所在官司應付行糧。起遣還役。若限外不首。罪復如初。

一大軍收附去處。得到人民。無問諸色人等。不得妄加殺戮。若有親屬。給其完聚。如無親屬。聽從其便。其來降者。優加禮待。

